

Naguá sa'a ní tú ni kee ja ndo'o ní COVID-19

Nda tu'un ja ni ndujee kivi 26 enero kuiya 2022

- Tu'un ja ni ndujéé siki nasa kuu ja kindasi yoo tágua kitan ji tutu [Centers for Disease Control and Prevention \(CDC, Ve'e nuu jito ji jekani nda kue'e\)](#) Tu'un siki nasa kindasi [yi ji ja koo jika yo](#) ja sa'a ndi'i ñayiví.
- Tu'un ja ni jakoso ka siki [tú ni kee positivo nuu prueba ja kee ñama](#).

Nuu kije'e

Tú ni kee ja ndo'o ní COVID-19, kuu chindeé ní tágua ma kutenuu ka COVID-19 nuu kua'a ka ñayiví. Kundiki ní nda tu'un ja yoso ya'a.

- Nda suchí skua'a ji nda ñayiví ja satíñu nuu nda escuela K-12 jiniñu'un ja sa'a ji nda tu'un ja [tatuni K-12](#).
- Nda ñayiví ja kindoo ji axi ja satíñu ji nuu nda ve'e nuu satatan jiniñu'un ja sa'a ji tanu ka'an nuu nda tutu CDC [Tutu ja kuu kuatiñu nda ñayiví ja satíñu nuu satatan de ndo'o ji SARS-CoV-2 axi ni iyo ñati ji nuu SARS-CoV-2 ji nuu CDC Tu'un ja chindeé ji ja sa'a ja jekituu kue'e nuu nda ñayiví ja satíñu nuu satatan mita ja iyo pandemia kue'e coronavirus 2019 \(COVID-19\)](#).

Kindasi ini ve'e

Nda ñayiví ja ni kee ja ndo'o ji COVID-19 axi nda ja ndo'o nda kue'e ja sa'a COVID-19 de ndetu ji nasa ni kee nuu prueba ji jiniñu'un ja kino'o ji ve'e ji de koo jika ji. **Jiniñu'un ja koo jika ji vese ja ni kani vacuna ji.** Ma ki'in ní nuu satíñu ní, nuu escuela axi nuu iyo kua'a ñayiví. Ma kuatiñu ní carru ja jetiñu kua'a ñayiví, nuu ñu'un ke'en ñayiví axi nda taxi. Kakan ní nuu inka ñayiví ja kue'en ji ndatiñu ní axi kakan ní ja ná kisia'a ndatiñu ní nde ve'e ní.

Kindasi ini vachi ni in ve'e tágua sukua koo jika ní nuu ñayiví ini ve'e ní tú kuu sa'a ní de kuatiñu ní in ni bañu tú iyo. Kuatiñu ní in ja [kasi va'a ní yu'u ní](#) ta koo ñati ní nuu ñayiví.

Vachi ni kuu kee ní ve'e ní tú kinduku ní ja kutatan ní. Ka'an ní yokaa nuu médico ta ncha'a ki'in ní. Kachi ní nuu ñayiví ja taji tatan nuu ní ja ndo'o ní COVID-19 axi ja jitotuni de ní tú ndo'o ní COVID-19. [Kua'a ní tu'un ja nda ñayiví satatan katu'un de ní.](#)

Nasaa tiempo jiniñu'un ja koo jika sa

Kivi ja kindasi ní tú kuu kasi ní axi ma kuu kasi va'a ní yu'u ní, tú xeen tuni ku'un COVID-19 axi nduu satíñu va'a yiki kuñu ní, ji tú kindoo ní axi satíñu ní nuu kututu ñayiví. Kunde'e ní nuu tutu ja ni'in tiñu nuu ní.

Tú kuu [sa'a ní](#) kuatiñu ní in ja kasi ní yu'u ní tú iyo ní nuu ñayiví ve'e ní axi inka ñayiví:

Tú ni kee ja ndo’o ní COVID-19 de ni xtuu [kue’e ní](#), kujika ní vese **5 kivi** nde kivi ja ni kije’e kue’e ní. Kunde’e ní nuu [kuni ní na kivi kije’e 5 kivi ja kindasi ní](#). Kuu jinu kivi kee ni nuu 5 kivi ja yindasi ní tú:

- Ja ni nduva’a ní nuu nda kue’e ní nuu 5 kivi nde kivi ja ni kije’e ja yindasi ní, de
- Ja ni kuu 24 hora ja nduka chí’in ka’ni ní de nduka jatiñu ní tatan ja nuu ka’ni ní, de
- Nduu xndoo ní ja [kasi va’a ní yu’u ní](#) ta iyo ní nuu nda ñayiví ve’e ní ji nuu inka ñayiví nuu 5 ka kivi

Tú chí’in ii ka’ni ní axi nda kue’e ja ndo’o ni nduka sa’a xeen ta ja ni ya’a 5 kivi ja yindasi ní, kundetu ní nde ya’a 24 hora ja nduka chí’in ka’ni ní de nduka jatiñu ní tatan tágua nuu ka’ni ní axi tágua jenkuiñi nda kue’e ja ndo’o ní.

Tú ni kee ja ndo’o ní COVID-19 de nduu ndo’o ní nde ni nda [kue’e](#), kujika ni vese **5 kivi** nde kivi ja ndo’o ní COVID-19. Kunde’e ní nuu [kuni ní na kivi kije’e 5 kivi ja kindasi ní](#). Kuu jinu kivi kee ni nuu 5 kivi ja yindasi ní tú:

- Ncha’a xtuu kue’e ní, de
- Nduu xndoo ní ja [kasi va’a ní yu’u ní](#) ta iyo ní nuu nda ñayiví ve’e ní ji nuu inka ñayiví nuu 5 ka kivi

Tú ni xtuu kue’e ní ta ja ni ya’a kivi ja ni kee ja ndo’o ní kue’e, ndije’e tuku ní ja kindasi ní 5 kivi. Sa’a ní ja ni kachi nda tu’un ya’a tágua kuu sínu va’a ní kivi ja yindasi ní tú ni xtuu kue’e ní.

Ja ma xndoo ní ja [kasi ní yu’u ní](#) kúni ka’an ja ndukú ní in ja kasi va’a ní yu’u ní ndaká jichi ja iyo ñati ní nuu ñayiví ja iyo ji ini ve’e axi tave’e, de ma sa’a ní tiñu jín nda ñayiví nuu ma kuu ja kasi ní yu’u ní, tanu ja kusun ní, kaji ni xtaa axi ja suté ní. Ma kuu ja sama ní ja kasi ní yu’u ní (tanu in sa’ma ja jatiñu yo ja kasi yo nuu yo) nuu nda 5 kivi ja jiniñu’un kundasi yu’u ní.

Tú in ñayiví kuu ní’in ji in prueba de kúni ji sa’a ji prueba maa ji, ja va’a ja kuatiñu ji kuu in [prueba de antígeno](#)¹ ta kuajinu kivi 5 ja yindasi ji. Kuu sa’a ní prueba ya’a tú ja ni ya’a 24 hora ja nduka jí’i ní tatan siki ja chí’in ka’ni ní (kuu ya’a ke’en semana axi ke’en yoo ja ma ní’in ní xiko ndeyu vese saa nduu jiniñu’un ja kindasi ka ní). Tú ni kee ja ndo’o ni kue’e nuu prueba ní, jiniñu’un ja kindasi ní nde ya’a 10 kivi. Tú ni kee nuu prueba ní ja nduu ndo’o ní kue’e, nduu jiniñu’un ja kindasi ka ní, vese saa kuatiñu ní in ja [kasi va’a ní yu’un ní](#) tú iyo inka ñayiví in ve’e ní axi iyo ní nuu iyo kua’a ñayiví nde jinu 10 kivi. Sa’a ní nda tu’un ja ka’an ya’a siki nasa ñasi ní yu’u ní ji siki naku ma kuu [kee jika](#) ní.

¹*Tanu ka’an nuu [tutu ja ndee yika nda prueba ja kuya’vi ja kuu kuatiñu yo](#) (vachi ni nuu yu’u Inglés): Kánuu ja ma kandija ní ja ka’an nda prueba ja kee negativo. Vese ni kee negativo nduu kuni ka’an ja nduu yí’i kue’e SARS-CoV-2 yo’o de ma kuu ja kani ini yo ja in ñayiví ja ndo’o ji kue’e kuu sa’a ji naani tiñu, tanu kuu tiñu ja jito ja ma kutenuu kue’e. Tágua va’a ka kee, jiniñu’un ja sa’a vese uu prueba antígeno nuu uni kivi de jiniñu’un ja ma ya’a 24 hora axi 48 hora nde ja ni sa’a ja xinañu’un.*

Ya’a iyo jaku ka tu’un siki naguá kuu ja kuu sa’a ní nuu 10 kivi ja yindasi ní tú ni xtuu kue’e ní (axi ni kee ja ndo’o ní kue’e, ji tú nduu ni xtuu kue’e ní):

- Nuu ndi 10 kivi ñukua, ma koo ñati ní nuu nda [ñayiví ja nduu satíñu va'a yiki kuñu ji axi ja sanaa kuu kundo'o xeen ji kue'e](#), de ma ki'in ní nuu kutatan nda ñayiví (suni nuu ndee nda ñayiví ña'nu) ji inka ka nuu yika iyo.
- Ma [kee jika](#) ní nuu 10 kivi ja yindasi ní.
- Nuu 10 kivi, ma ki'in ní nuu ma kuu kasi ní yu'u ní, tanu nuu nda restaurante ji sava nda gimnasio, de ma kaji ni xtaa tú iyo ñati ñayiví nuu ní ini ve'e ní ji nuu satíñu ní.

Tú [ma kuu ja](#) kuatiñu ní in ja kasi ní yu'u ní tú iyo ní nuu ñayiví ve'e ní axi inka ñayiví:

Tú ni kee ja ndo'o ní COVID-19 de ni xtuu kue'e ní, kuu jinu kivi ja yindasi ní tú ja ni ya'a **10 kivi** nde kivi ja ni xtuu kue'e ní:

- Ja ni kuu 24 hora ja nduka chi'in ka'ni ní de nduka jatiñu ní tatan ja nuu ka'ni ní, **DE**
- Ja ni nduva'a ní kue'e ní

Tú ncha'a nuu ka'ni ní axi nduu jenkuifiñi kue'e ndo'o ní ta ja ni ya'a 10 kivi ja yindasi ní, kundetu ní nde jinu kivi ja yindasi ní nde ya'a 24 hora ja nduka ji'i ní tatan tágua nuu ka'ni ní ji ja nduka sa'a xeen nda kue'e ja ndo'o ní.

Tú ni kee ja ndo'o ní COVID-19, de nduu ni xtuu kue'e ní, kuu jinu nda kivi ja yindasi ní tú ja ni ya'a **10 kivi** nde kivi ja ni kee ja ndo'o ní COVID-19 tú:

- Ncha'a xtuu kue'e ní

Tú ni xtuu kue'e ní ta ja ni ya'a kivi ja ni kee ja ndo'o ní kue'e, ndije'e tuku ní ja kindasi ní 10 kivi. Sa'a ní ja ni kachi nda tu'un ya'a tágua kuu sínu va'a ní kivi ja yindasi ní tú ni xtuu kue'e ní.

Tú [xeen tuni ndo'o ní COVID-19 axi nduu satíñu va'a yiki kuñu ní](#):

Nda ñayiví ja ku'u xeen ji COVID-19 (kuu nda ñayiví ja ni kivi ji hospital axi jiniñu'un ja koto ñayiví ji axi jiniñu'un ji ja chindeé ja xtaa tachi ji) de nda ñayiví ja [nduu atiñu va'a yiki kuñu ji](#) sanaa jiniñu'un ja kindasi ji ini ve'e kua'a ka kivi. Suni sanaa kuiniñu'un ji sa'a ji prueba jín in [prueba viral](#) tágua sukua kuu kuni na kivi kuu ja kuu koo ji nuu inka ñayiví. CDC jika ja nda ñayiví kindasi ji vese 10 kivi axi nde 20 kivi tú xeen tuni ndo'o ji COVID-19 ji nda ñayiví ja [nduu atiñu va'a yiki kuñu ji](#). Ka'an ní jín ñayiví ja taji tatan nuu ní tágua kuni na kivi kuu ja kuu ndututu ní jín inka ñayiví.

Tú [kindoo ní axi satíñu ní nde ni in nuu kututu nda ñayiví ya'a](#):

Nda ñayiví ja ndee ji axi ja satíñu ji nuu kututu nda ñayiví jiniñu'un ja kundiki ji nda tu'un ka ka'an ya'a.

- Nda vekaa axi nuu kindoo ñayiví ja ni sa'a kuachi
- Nuu kindoo nda ñayiví ja nduu na ve'e axi nda ja ndukú nuu kusun
- Nda ja satíñu nuu nda barco ja tíin tiaka (tanu kuu, nda barco ja tíin tiaka, nda ja ndíso ndatiñu, nda crucero)
- Nda ñayiví ja satíñu ji nuu satíñu kua'a ñayiví de siki ñukua ma kuu ja koo jika nuu ta'an ji tanu kuu, nuu tava'a ndatiñu, nda fabrica ji nuu chuva'a kuñu ji ja kaji yo
- Ve'e nuu ndee nda ñayiví ja satíñu

Tú ni kee ja ndo’o ní COVID-19 de nduu ni xtuu kue’e ní, kuu jinu kivi ja yindasi ní nuu kututu ñayiví tú ja ni ya’a **10 kivi** nde kivi ja ni xtuu kue’e ní:

- Ja ni kuu 24 hora ja nduka chí’in ka’ni ní de nduka jatiñu ní tatan ja nuu ka’ni ní, de
- Ja ni nduva’a ní nuu kue’e

Tú satiñu ní de nduu nde ní nuu kututu ñayiví, ma kí’in ní nuu satiñu ní nde jinu 10 kivi, vese saa kuu kundiki ní tu’un ja ka’an nuu tutu ja ka’an siki ja kindasi yo ini ve’e yo ja iyo mita va’a ní tu kuu axi ma kuu kuatiñu ní in ja [kasi va’a ní](#) yu’u ní.

Tú ni kee ja ndo’o ní COVID-19, de nduu ni xtuu kue’e ní, kuu jinu kivi ja ni iyo jika ní nuu kututu ñayiví tú ja ni ya’a **10 kivi** nde kivi ja ni kee ja ndo’o ní COVID-19 tú:

- Ncha’a xtuu kue’e ní

Tú ni xtuu kue’e ní ta ja ni ya’a kivi ja ni kee ja ndo’o ní kue’e, kuu ndije’e tuku ní ja yindasi ní 10 kivi. Sa’a ní ja ni kachi nda tu’un ya’a tágua kuu sínu va’a ní kivi ja yindasi ní tú ni xtuu kue’e ní. Tú satiñu ní de nduu nde ní nuu kututu ñayiví, ma kí’in ní nuu tiñu ní nde jinu 10 kivi, vese saa kuu kundiki ní tu’un ja ka’an nuu tutu ja ka’an siki ja kindasi yo ini ve’e yo ja iyo mita va’a ní tu kuu axi ma kuu kuatiñu ní in ja [kasi va’a ní](#) yu’u ní.

Nuu nda kivi ja kumani tuni ñayiví ja satiñu, nda vekaa, nuu kindoo ñayiví ja ni sa’a kuachi nuu kuya’vi, nuu kindoo nda ñayiví ja nduu na ve’e ji nda ñayiví ja ndukú nuu kusun kani ini ji ja jaku ka kivi kinsadi in ñayiví tágua sukua ma jekituu tiñu sa’a ji. Tú jani ini ji ja sa’a ji sukua jiniñu’un ja ka’an ji jín ve’e nuu jito tiñu ja satatan ini ñuu.

Na tiempo kuu ja kuu skuikin sa kue’e ji ja sa’a sa ja kundo’o inka ñayiví

Nda ñayiví ja ndo’o COVID-19 kuu skuikin ji virus nuu inka ñayiví nde uu kivi ja ncha’a xtuu kue’e ji (axi 2 ichi yata ja ni kee positivo nuu prueba vese nduu ni xtuu ke’e ji) nde 10 kivi ichi nuu ja jani xtuu kue’e ji (axi 10 kivi ichi nuu ja ni kee positivo nuu prueba vese nduu ni xtuu ke’e ji).

Tú in ñayiví ja ndo’o COVID-19 kujika ji 5 kivi de jasi ji yu’u ji 5 kivi ja ni iyo jika ji de nda kue’e ndo’o ji ni nduva’a axi ni naa ji nuu 5 kivi, nda ñayiví ja ni iyo ñati ji nuu nda kivi 6-10 nduu kuu ji in ñayiví ja ni iyo ñati nuu kue’e tú nduu ñu’un ji in ja [jasi va’a yu’u ji](#). Tú ñayiví ya’a nduu ni jasi va’a ji yu’u ji, nda ñayiví ja ni iyo ñati ji nuu ji nuu nda kivi 6-10 kuu ji in ñayiví ja ni iyo ñati nuu kue’e.

Nasa kuni sa na kivi kije’e kivi 5 axi kivi 10 ja kindasi sa

Tú ni xtuu kue’e ní, kivi 0 kuu kivi xinañu’un ja ni xtuu kue’e ní. Kivi 1 kuu kivi xinañu’un ja ni kije’e ni xtuu kue’e ní.

Tú nduu ni xtuu nde ni in kue’e ní, kivi 0 kuu kivi ja ni kee positivo nuu prueba viral ní (kivi ja ni sa’a ní prueba). Kivi 1 kuu kivi xinañu’un ja ni naxtutu prueba ni ja ni kee positivo.

Naguá sa’a iini yindasi

- **Koto nasa sa’a kue’e.** Ñama kí’in ní nuu médico tú ni xni’in kue’e ní. Tú jiniñu’un ní ja chindee nuu ní ka’an ní nuu 911, kachi ní ja ndo’o ni nda kue’e ja sa’a COVID-19. Tú kuu, kasi ní yu’u ní ta ncha’a kenda nda ñayiví ja satatan.

- **Kujika ní nuu inka ñayiví,** kuu nuu ñayiví ve'e ní axi nuu kiti ndeka ní tu kuu sa'a ní. Kindasi ní ini inve'eja iyo síin, de kuatiñu ní in bañu ja iyo síin, tú kuu sa'a ní. Tú jiniñu'un ja koto ní in ta'an ní axi in kiti, kasi ní yu'u ní ji nanda'a ní ta ncha'a ji ta ja ni iyo ñati ní un ji. Iyo ka tu'un siki [COVID-19 ji nda kiti](#) nuu página ya'a.
- **Kuatiñu ní in ja kasi va'a ni** yu'u ní jín xitin ní tú iyo ñati ní nuu ñayiví ji nuu nda kiti ndeka ji ta ncha'a kivi ní ini in consultorio in ñayiví ja satatan. Tú ma kuu ja kasi va'a ní yu'u ní, nda ñayiví ja ndee ini ve'e jiniñu'un ja ma koo ji ini ve'e nuu iyo ní; jiniñu'un ja kasi ji nuu ji axi kuatiñu ji in ja kasi va'a xitin ji ta kivi ji ini ve'e nuu yi'i ní.
- **Ndukú ní nasa sa'a ní tágua va'a kunu tachi ini ve'e ní,** tú kuu.
- **Ma kuatiñu ní in ni ndatiñu jín ñayiví axi kiti,** tanu kuu ko'o, vasu, taza, nda ja jatiñu ní ja kaji ní xtaa, toalla axi sa'ma ja yoso nuu jito ini ve'e ní.

Kua'a ní tu'un ja nda ñayiví satatan katu'un de ní

In ñayiví ja satatan ka'an de yokaa jín maa ní tú ni kee ja ndo'o ní COVID-19, ka'an de yokaa jín maa ní. Ñayiví ya'a kachi de naguá sa'a ní ji kachi de naguá kuu ja chindeé nuu ní mita. Ñayiví ya'a katu'un de sivi ní ji ndekuu nda ñayiví ja ni iyo ñati ji nuu ní tágua sukua tetiñu de in tu'un nuu ji ja sanaa ni iyo ñati ji nuu kue'e. Jikan ji nda tu'un ya'a tágua sukua kuu kachi ji nuu ñayiví ja sanaa ni iyo ñati ji nuu kue'e. Ñayiví ya'a ma kachi ji ndekuu ní jín nda ñayiví ja ka'an ji jín.

Tú ni kee ja ndo'o ní kue'e nuu in prueba ja sa'a ini ve'e

Kunde'e ní nuu [Tutu nuu kachi nasa kuatiñu nda prueba SARS-CoV-2 ja sa'a ini ve'e \(wa.gov\)](#) tágua ní'in ka ní tu'un.

Naguá kuni ka'an ja koo jika ní ji ja kindasi ní

- Ja **koo jika** kuu tú ndo'o ní kue'e COVID-19, tú ndetu ní nasa ni kee prueba ní axi tú ni kee ja ndo'o ní COVID-19. Ja koo jika kuni ka'an ja kindoo ní ini ve'e ní ji koo jika ní nuu inka ñayiví (tanu kuu nda ta'an ve'e ní) nuu ñati [ndi'i tiempo ja jikan](#) tágua ma kutenuu ka kue'e.
- Ja **kindasi** ní kuu ja sa'a ní tú ni iyo ñati ní nuu COVID-19. Ja kindasi kuni ka'an ja kindoo ní ve'e ní ji koo jika ní nuu inka ñayiví nuu ñati [ndi'i tiempo ja jikan](#) tú sanaa ni jikin kue'e ní axi kuu skuikin ní kue'e. Ja kindasi ní sama ji de jiniñu'un ja koo jika ní tú ni kee ja ndo'o ní COVID-19 axi ni xtuu kue'e COVID-19.

Kua'a ka tu'un ji ja kuu kuatiñu siki ja iyo COVID-19

Tú in ñayiví nduu na doctor ji axi in ñayiví ja satatan ji: iyo kua'a nuu ja taji de in prueba sukua ni axi nduu ndee ya'vi tuni, va'a ni na ndenu vaji ni. Kunde'e ní nuu [Department of Health nda tu'un jikatu'un ka siki nda prueba](#) axi ka'an ní nuu [WA State nuu yokaa COVID-19](#). Nuú 1-800-525-0127, de kuaxin ní #. Iyo nuu ke'en yu'u.

Ndukú ni tu'un jéé nuu [nasa iyo COVID-19 mita ini ñuu Washington](#), Tu'un ja kachi Gobernador [Inslee](#), ja sa'a kue'e (vachi ni nuu yu'u Inglés), [nasa jitenuu](#) (vachi ni nuu yu'u Inglés), ji [nasa ji na tiempo kuu ja nda ñayiví sa'a ji prueba maa ji](#) (vachi ni nuu yu'u Inglés). Kunde'e ní nuu [nda tu'un jikatun ka](#) (vachi ni nuu yu'u Inglés) tágua ní'in ní ka tu'un.

Raza/ñuu axi na ndenu vaji in ñayiví nduu chituu tágua in ñayiví kundo’o ji COVID-19. Vese saa, ja jini siki COVID-19 kuu ja xeen ka ndo’o nda ñayiví tuun. Ya’a kuu siki ja síin raza ji, de vi’i ka kuu tú ndo’o nda’vi ji, ya’a sa’a ja nduu ní’in ñama ji tatan de sukua ndo’o ka ji axi ñuu ji. [Ja sa’a yo sukua jín nda ñayiví ma chituu kue’e](#) (vachi ni nuu yu’u Inglés). Vachi ni skutenuu ní tu’un ja jiniñu’un ñayiví tágua sukua ma koo tu’un tu’ún axi tu’un ja nduu iyo ndaa.

- [WA State Department of Health kue’e jee coronavirus 2019 \(COVID-19\)](#) (vachi ni nuu yu’u Inglés)
- [WA State Tu’un ja xndikoo siki coronavirus \(COVID-19\)](#)
- [Nandukú ni ñuu ní axi ve’e ja satatan ja iyo ini ñuu ní](#) (vachi ni nuu yu’u Inglés)
- [CDC Coronavirus \(COVID-19\)](#)
- [Ja ma kunde’e ndeva’a ñayiví Ja kuu sa’a](#) (vachi ni nuu yu’u Inglés)

A iyo tu’un jikatu’un ní siki COVID-19 Ka’an ní yokaa: **1-800-525-0127**, lunes – viernes, nde 6 a.m. nde 10 p.m., A iyo ka tu’un jikatu’un ní. Ka’an ní yokaa nuu taji sa tu’un siki COVID-19: 1-800-525-0127

Lunes – nde 6 a.m. nde 10 p.m., martes – domingo ji nda kivi iyo viko, nde 6 a.m. nde 6 p.m. Tágua ní’in ní tu’un nuu inka yu’u, kuaxin ní # tú ni ka’an ñayiví kachi ní na yu’u ka’an ní. Tú iyo tu’un jikatu’un ní siki tú iyo va’a ní, nda prueba COVID-19 axi siki nasa ni kee nda prueba, ka’an ní jín in ñayiví ja taji tatan.

Tágua ní’in ní tutu ya’a nuu inka yu’u, ka’an ní nuu 1-800-525-0127. Nda ñayiví ja so’o ji axi ja nduu nini va’a ji, kuu ka’a ji nuu 711 ([Washington Relay](#)) (vachi ni nuu yu’u Inglés) axi tetiñu ji in correo nuu civil.rights@doh.wa.gov.